

Swast ke insurans

Aštreliā me Pesafik aur Timor-Leste
karamcharilong ke khatin ek gāid



Swast ke insurans ke cheklist



Swast ke kavā ek viza ke shart he

Aštreliā me kām kare la taem i jaruri he ki āp prayapt swast insurans rakho kahes ki āpke inṭaneshanal rilaishans (temparari kām) sabklas 403 viza, Condition 8501 ke niche i aniwārie he. I āp ke jimwārie he ki āp ke polisi velid rahe jab tak āp āstreliā me rahega. Apan swast insurans ke roke se ap apan viza ke shart ke ulanghan karta he. I dheyan rakhe ke khatin ki āpke viza ke shart ke ulanghan nai hoe āp ke insurans ke paemanṭ āp ke talab me se sīdha kaṭ jae he.



Polisi ke accha se rakho

Ap ke chahiye ki apan insurans ke setifikat (COI), aur/ yato membaship kād rakho, sāit āp ke dokṭa ke dekhe ke jaruri paḍge.



Insurans se maddat

Aštreliā pahuchte hi apam insurans kād ke chek karo ki kaise apan swast insuranswala ke sampark kara jae (faun namba, websait ya imail). Jab āp ke apan polisi se koi sahaeta ke jarurat paḍi to i jānkari āp ke maddat kari. I bhi dheyan me rakhna ki āp ke pata rahe kaise āp apan polisi ya klaim namba ke kauṭ karega.



Apan vegtigat jānkari wartamān rakhna

Āp mango apan swast insuranswala se chek karo ki āp ke sab vegtigat jānkari ekdam ap ṭu daiṭ he. Vegtigat jānkari jaise mobael faun namba ya ghar aur pausṭal edras Aštreliā me pahuche ke bād sāit de ke paḍi kahes ki polisi kharide la taem i sab jānkari nai pata rahe he.



Elijibiliṭi ke chek

Āp ke insuranswala sāit āp ke pāspoṭ ke ID paij aur viza ke kopi mangi elijibiliṭi chek ke khatin.



Polisi ke paemanṭ

Āpan bos se bāt karo i jane ke khatin ki kaise swast insurans ke paemanṭ āp ke talab se kaṭ ke hoe he, aur kitna paisa kaṭe he.




Jeneral preṭishanas vesas aspatāl

Aštreliā me **jeneral preṭishanas** (GPs) aur **aspatāl** me ek bahut baḍa farak he.

Aštreliā ke jon nagrik nai he uske imejensi ke bina ek taem bhi aspatāl jāe se bahut jada fis lage sake he. Kafi insurans ke kampanilong i kharcha ke sahe he lekin āp ke pahile apne bhare ke paḍi fir bād me klaim kare ke paḍi.

Bina imejensi ke meḍikal halat me ek GP ke pās jao.
Khali imejensi ke taem aspatāl jao.





Swast insurans ke klaim

Swast insurans ke klaim kare ke prakriya alag alag insurans dewalan ke uppar nirbhar rahe he. Niche dewal taibal me ek jeneral klaim ke prakriya ke gāid he lekin plis sab insurans dewala ke websait chek kar lena khās vivran ke khatin.

KLAIM KARE KE

EK KLAIM FŌM SABMIT KARO

1. apan swast insuranswala ke klaim kare ke prakriya uske websait pe chek karo (opshan me he onlaīn sabmishan, print-sken-imail ya ek ep se).
2. Klaim fōm ke pura bharo.
3. Klaim fōm ke sathe paemanṭ ke pruf/rasīd mango sanghe do. Isme mango kitna paisa bhara he dikhao, kon daiṭ ke paemanṭ kara he aur medical provaiḍa ke vivran.

AUR SAHAYAK MEDIKAL KAGAJ

Jeneral prektishna (GP) jae ke khatin

- invōis jisme medikal lāb suchi (MBS) ke chiz ke nāmba lon likhan rahe
- ek ripot jisme me bemari ke sahi jānkari likhna rahe agar uplabdh he

Aspatāl jae ke khatin

- Bharti aur chuṭṭi ke vivran aur medikal ripot agar uplabdh he
- invōis jisme sab chiz likhan rahe

KLAIM KE NATIJA



APROVD

Klaim seṭal hoe jae aur chahe chek ya āp ke benk akaunṭ me bharae jae.



DIKLĀIND

Agar āp ke klaim āp ke insurans polisi ke shart ke bhār he to āp ke ek SMS, imail ya ek opcharik leṭā se suchna mili.

? AUR JĀNKARI KE JARURAT

Agar klaim fōm pura nai bharan raha accha se ya aur sab sahayak kagaj nai raha ya koi aur medikal jānkari ke jarurat he to āp ke insuranswala āp ke SMS ya imail se suchna dai. Plis dheyān me rakhna ki fōm accha se pura bharan he aur sab sahayak kagaj klaim de la taem sathe dewa gae raha.

AUR MADDAT DELA JĀNKARI

Medikal provaiḍa ke sidha paisa bharai

Kuch sthaniye GPs aur spesilistlong, jaise peṭholojist aur reḍiolojist āp ke insurans dewala ke neṭwok me pahile se shamil hoi. I ulong ke mauka de he ki paisa ke jon bhag klaim kare la rahe he u sidha insuranswala ke bhej dai aur āp ke pura fīs nai chāj kari. Āp ke u taem ek gep fīs bhare ke paḍi lekin apke alag se apan insuranswala ke klaim fōm nai de ke paḍi. Apan insuranswala ke koṅteṭ karo aur pata lagao ki āp ke GP ulong ke dāereṭ bīlīng neṭwok me shamil he ki nai, aur mang karo ki ulong ke joḍo agar nai he.

Jon medikal provaiḍas ke pās dāereṭ bīlīng ke vewastha nai he, āp ke bil ke pura kharcha bhare ke paḍi aur apan insurans kampani se bād me klaim kare ke paḍi.

Proḍakt disklauga sṭaitment

Proḍakt disklauga sṭaitment (PDS) āp ke insurans ke bare me pramukh vishesta, fāeda, kon chij nai he, niyam aur shart sab de he. Āp apan insurans de wala ke PDS ke chek karo aur apan polisi ke bare me koi bhi jānkari ke khatin ulong ke apne sampark karo.

Abhi bhi sawal he?



Agar āp apan swast insurans ke samjhe me maddat mangta he to aapn bos, PALM sapoṭ sevis lain 1800 51 51 31 pe kol karo ya: www.privatehealth.gov.au/health_insurance/overseas pe jao.



Medikal imejensi

Agar āp ke koi jān-jokhim wala medikal imejensi he, to turant sahaeta ke khatin apan sab se nazdikwala pablik aspatāl ke imejensi ḍipātment ya embulans ke ☎ 000 pe kol kar ke maddat lo.

Aṣṭrelia ke sab aspatāl me 24-ghanṭā imejensi ḍipātment he jaha āp maddat le sakta he sthaniye dokṭa ke samae se bahar aur wiikendz me.



Imejensi ilāj ke khatin → Aspatāl (imejensi ḍipātment) ya embulans ke 000 pe kol karo



Jon imejensi nai he → GP (jeneral prektishna)